

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2021/85, 15.09.2021թ.

**Բողոք բերող անձ՝** «Լայթինգ Ալեք» ՍՊԸ

**Պատվիրատու՝** Եղվարդի համայնքապետարան

**Գնման ընթացակարգի ծածկագիրը՝** «ԿՄԵՔ-ԲՄԱՇՁԲ-21/1» բաց մրցույթ

**Գնման առարկան՝** Եղվարդ քաղաքի մի շարք փողոցների արտաքին լուսավորության ցանցի կառուցման աշխատանքների ձեռքբերում

**Բողոքի պահանջը՝** պարտավորեցնել Եղվարդի համայնքապետարանի Եղվարդ քաղաքի մի շարք փողոցների արտաքին լուսավորության ցանցի կառուցման աշխատանքների ձեռքբերման նպատակով հայտարարված թիվ «ԿՄԵՔ-ԲՄԱՇՁԲ-21/1» ծածկագրով բաց մրցույթի գնահատող հանձնաժողովին ընդունելու՝ «Լայն Ափ» ՍՊԸ-ի հայտը բավարար գնահատելու, ընտրված մասնակից ճանաչելու և պայմանագիր կնքելու մասին որոշումները դադարեցնելու մասին համապատասխան որոշում:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Լ. ԱՆԱՆԻԿՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված  
բողոքներ քննող անձին  
Բողոք բերող՝ «ԼԱՅԹԻՆԳ ԱԼԵՔ» ՍՊԸ  
ՀՎՀՀ՝ 00165727

հասցե՝ ՀՀ, ք. ՀՀ, Երևան, Վարդանանց 20  
տնօրեն՝ Էմիլիա Հովնանյան  
անձնագիր՝ AM0852002 տրված  
29.08.2012թ.-ին 004-ի կողմից  
հեռ՝ 094 990004

էլ. փոստ՝ [dora.lighting@yahoo.com](mailto:dora.lighting@yahoo.com)

Պատվիրատու՝ Եղվարդի համայնքապետարան  
հասցե՝ ՀՀ Կոտայքի մարզ, Եղվարդ քաղաք, Երևանյան 1  
Գնման ընթացակարգի ծածկագիրը և առարկան՝

Եղվարդ քաղաքի մի շարք փողոցների արտաքին լուսավորության ցանցի կառուցման  
աշխատանքների ձեռքբերման նպատակով հայտարարված թիվ «ԿՄԵՔ-ԲՄԱՇՁԲ-21/1»  
ծածկագրով բաց մրցույթ

#### ԲՈՂՈՔ

/թիվ ԿՄԵՔ-ԲՄԱՇՁԲ-21/1 գնման ընթացակարգի վերաբերյալ/

#### 1. Բողոքի քննության համար էական նշանակություն ունեցող փաստական հանգամանքները.

- 1.1. ՀՀ Կոտայքի մարզի Եղվարդի համայնքապետարանը (այսուհետ նաև՝  
Պատվիրատու) իր կարիքների համար «մի շարք փողոցների արտաքին  
լուսավորության ցանցի կառուցման աշխատանքների» ձեռքբերման նպատակով  
19.07.2021 թվականին հրապարակել է թիվ «ԿՄԵՔ-ԲՄԱՇՁԲ-21/1» բաց մրցույթը  
(այսուհետ նաև՝ ընթացակարգ)։
- 1.2. Գնման ընթացակարգի 1-ին չափաբաժնի շրջանակում հայտ են ներկայացրել  
նաև «ԼԱՅՆ ԱՓ» ՍՊ և «ԼԱՅԹԻՆԳ ԱԼԵՔ» ՍՊ ընկերությունները (այսուհետ՝

Մասնակից): Մասնակցի կողմից գնման ընթացակարգի շրջանակում ներկայացված հայտը գնահատվել է բավարար և ճանաչվել է ընտրված մասնակից, որը փաստվում է գնման ընթացակարգի հանձնաժողովի 03.09.2021 թվականի թիվ 3 արձանագրությամբ:

- 1.3. Վերը նշված որոշման արդյունքում 2021-09-06-ից սահմանվել է անգործության ժամկետ 10 օրացուցային օր ժամկետով, մինչև՝ 2021-09-16-ը ներառյալ:
- 1.4. Գնման ընթացակարգի 1-ին չափաբաժնի մասով «ԼԱՅՆ ԱՓ» ՍՊ ընկերության հայտը ներկայացվել է հրավերի պահանջների խախտմամբ: Մասնավորապես «ԼԱՅՆ ԱՓ» ՍՊ ընկերության գնային առաջարկը 1-ին չափաբաժնի մասով չի համապատասխանում հրավերի պահանջներին, քանզի վերջինս թիվ 2 հավելվածով ներկայացված գնային առաջարկով լրացրել է ԱԱՀ-ը տողը, սակայն վերջինս չի հանդիսանում ավելացված արժեքի հարկ վճարող /ապացույցը կցվում է:

## *2. Բողոքի փաստական և իրավական հիմնավորումները.*

«Գնումների մասին» ՀՀ օրենքի Օրենքի 34-րդ հոդվածի 3-րդ մասի համաձայն՝ էթե մասնակիցը տվյալ գործարքի գծով պետական բյուջե պետք է վճարի ավելացված արժեքի հարկ, ապա գնային առաջարկում առանձին տողով նախատեսվում է այդ հարկատեսակի գծով վճարվելիք գումարի չափը: Ընդ որում, մասնակիցների գնային առաջարկների գնահատումն ու համեմատումն իրականացվում են առանց սույն մասում նշված հարկի գումարի հաշվարկման:

ՀՀ կառավարության 04.05.2017 թվականի թիվ 526-Ն որոշման հավելված 1-ով հաստատված գնումների գործընթացի կազմակերպման կարգի (այսուհետ՝ Կարգ) 32-րդ կետի 2-րդ մասի դ ենթակետի համաձայն՝ հրավերով նախատեսվում է նաև, որ՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա գնային առաջարկում առանձնացված տողով նախատեսվում է այդ

հարկատեսակի գծով վճարվելիք գումարի չափը: Մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման: Ընդ որում, մասնակցի հայտը ենթակա չէ մերժման, եթե՝ գնային առաջարկի արժեք, ավելացված արժեքի հարկ և ընդհանուր գումար սյունակներում տառերով կամ թվերով նշված գումարների լումաները կլորացված են մինչև հինգ տասնորդականը՝ դեպի ներքև ամբողջ թիվը, իսկ հինգ տասնորդական և դրանից ավելին՝ դեպի վերև ամբողջ թիվը:

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջների անհամապատասխան, բացառությամբ սույն կարգի 41-րդ կետով նախատեսված դեպքի:

Թիվ «ԿՄԵՔ-ԲՄԱՇՁԲ-21/1» բաց մրցույթի հրավերի 5.2. կետի համաձայն՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա ներկայացվող գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:

Վերոհիշյալ իրավական նորմերի վերլուծությունից պետք է փաստել հետևյալը, որ մասնակիցների կողմից ներկայացվող հայտերը պետք է համապատասխանեն հրավերի պահանջներին, որի բաղկացուցիչ մաս է նաև գնային առաջարկը: Այն դեպքերում, երբ մասնակիցների կողմից ներկայացվող գնային առաջարկները չեն համապատասխանում հրավերի պահանջներին, ապա այն առաջ է բերում նրանց հայտերի մերժման իրավական հիմքերը, որը հայտերը գնահատող հանձնաժողովի համար պարտականություն է:

Նշվածը համադրելով սույն գործի փաստերի հետ՝ պետք է արձանագրել հետևյալը, որ «ԼԱՅՆ ԱՓ» ՍՊ ընկերության կողմից թիվ «ԿՄԵՔ-ԲՄԱՇՁԲ-21/1» գնման

ընթացակարգի 1-ին չափաբաժնի մասով ներկայացված գնային առաջարկը ներկայացվել է հրավերի պահանջներին անհապատասխան, մասնավորապես վերջինս չհանդիսանալով ԱԱՀ վճարող, թիվ 2 հավելվածով՝ գնային առաջարկով, լրացրել է նաև ավելացված արժեքի հարկը գումարը, ինչը հակասում է վերը նշված օրենսդրական նորմերին:

Այսինքն մասնակցի գնման ընթացակարգի 1-ին չափաբաժնի մասով ներկայացված գնային առաջարկը չի համապատասխանում հրավերի պահանջներին վերջինիս հայտը ենթակա էր մերժման: Նշվածի արդյունքում թիվ «ԿՄԵՔ-ԲՄԱՇՁԲ-21/1» բաց մրցույթի արդյունքում «ԼԱՅՆ ԱՓ» ՍՊ ընկերությանը ընտրված մասնակից ճանաչելու և դրա արդյունքում պայմանագիր կնքելու մասին որոշումը ոչ իրավաչափ է:

Հաշվի առնելով այն հանգամանքը, որ թիվ «ԿՄԵՔ-ԲՄԱՇՁԲ-21/1» բաց մրցույթի գնահատող հանձնաժողովի ոչ իրավաչափ գործողության արդյունքում 03.09.2021 թվականի թիվ 3 արձանագրությամբ բավարար է գնահատվել «ԼԱՅՆ ԱՓ» ՍՊ ընկերության հայտը և հայտարարվել է անգործություն, պետք է փաստել, որ որոշումները ընդունվել են օրենքի խախտմամբ:

Գնումների մասին ՀՀ օրենքի 3-րդ հոդվածի 2-րդ մասի համաձայն՝ Գնումների գործընթացը հիմնվում է հետևյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.
- 3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Վերոհիշյալ նորմի մեկնաբանմամբ պետք է փաստել, որ օրենսդրի կողմից սահմանված սկզբունքների ապահովումը, այն է, պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսումը

հնարավոր կլինի միայն այն դեպքում երբ արհեստականորեն խոչընդոտներ չեն ստեղծվի գնման ընթացակարգի շրջանակում մատակարարվող ապրանքի ներմուծող կազմակերպությունների համար և արդյունքում կունենանք իրավահավասար և ոչ խտրական հիմունքներով կազմակերպված գնման ընթացակարգ:

### 3. Բողոքի պահանջը.

Առաջնորդվելով վերոգրյալով և ղեկավարվելով Գնումների մասին ՀՀ օրենքի 46-րդ և 50-րդ հոդվածներով.

### **ԽՆԴՈՒՄ ԵՄ**

Պարտավորեցնել ՀՀ Կոտայքի մարզի Եղվարդի համայնքապետարանի Եղվարդ քաղաքի մի շարք փողոցների արտաքին լուսավորության ցանցի կառուցման աշխատանքների ձեռքբերման նպատակով հայտարարված թիվ «ԿՄԵՔ-ԲՄԱՇՁԲ-21/1» ծածկագրով բաց մրցույթի գնահատող հանձնաժողովին ընդունելու՝ «ԼԱՅՆ ԱՓ» ՍՊ ընկերության հայտը բավարար գնահատելու, ընտրված մասնակից ճանաչելու և պայմանագիր կնքելու մասին որոշումները դադարեցնելու մասին համապատասխան որոշում:

*Կից ներկայացվող փաստաթղթերի ցանկը.*

- «ԼԱՅՐԻՆԳ ԱԼԵՔ» ՍՊ ընկերության՝ ՀՀ ԱՆ իրավաբանական անձանց պետական ռեգիստրի կողմից տրված պետական ռեգիստրի վկայականի պատճենը.
- «ԼԱՅՐԻՆԳ ԱԼԵՔ» ՍՊ ընկերության տնօրենի անձնագրի պատճենը.
- «ԼԱՅՆ ԱՓ» ՍՊ ընկերության կողմից ներկայացված գնային առաջարկի պատճենը
- [www.petekamutnmer.am](http://www.petekamutnmer.am) կայքից արված արտատպումը.
- պետական տուրքի վճարման փաստը հավաստող ապացույց:

15.09.2021թ.

Հարգանքով՝

«ԼԱՅՐԻՆԳ ԱԼԵՔ» ՍՊԸ տնօրեն՝



Է. Հովնանյան